

সানসেয়ারি "বড'সা" শ্রীরাংলাইয়াব
সমাজ্যায়ি জিঞ্জী লোছা থানায় রায়থায়, ব্রন্থায়,
সল', সল'বাথা আরো দাব্বায়ায়ি থাবনি, পাৰ্কে
বাইদিবি সায়াব লিৰ্ণায় লিৰ্ণিবাঁ দৈথায় হৰ/
সানসেয়ারি "বড'সা" শ্রীরাংলাইয়া ব্বেবৰ্ণান্বে
ফোসাবগোন।
বড'সায়াব লিৰ্ণায়বি হুৰা স্ৰালাম,
"বড'সা" শ্রী নৌথং, জৌ বয়বৌ অংগৌ স্ৰালাম।

সানসেয়ারি বড'সা মাঝখুলি
মাঝবং নোগৌ, জোহোলাব দৈমালু লামা
কক্ৰাঞ্জাৰ, বিটিসি-783370
Website: www.bodosanewspaper.com

সানসেয়ারি বড'সা



BODOSA ★ A Bodo News Daily ★ Monday ★ 9 August, 2021 Kokrajhar, BTC, Assam ★ Vol.- 31, Issue No. 135 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

মোজাং লামা-দালাং গৈথৈন জাহোনাব
হান্থা-মেলানি জেনায়াব গোলদৌ
গসাঈগাব মহকুমানি সালবাৰি
গামিনি রাঙা-গজাফোৰা



গসাঈগাব, 8 আগস্ট: আখিখালিনি বিটিআৰ
সৰকাৰআ বিটিআৰ হালামনি
গাসৈ অোসোলফোৰাবনো
রাঙা-গজাফোৰনি হান্থা-
মেলানি থাখায় লামা-
(□ 5 বিলাইআব)

এনএলএফবিনি গুবুন সা 32 সোদ্রোমাফোৰা হাগ্ৰানিফ্ৰায় অঁখাৰবোবাবায়

কক্ৰাঞ্জাৰ, 8 আগস্ট: নেসনেল
লিবাৰেসন ফ্ৰন্ট অফ বৰ'লেণ্ড
সুদ'থে এনএলএফবিনি গুবুন সা
32 সোদ্রোমাফোৰা দিনে কক্ৰাঞ্জাৰ
জিল্লানি সিডাব থানায়
জাৰবাৰি হাগ্ৰানিফ্ৰায় জোজো
দাহাৰআব ফৈ ফিনবায়।
এনএলএফবিনি প্লাটন কমান্ডাৰ
বি হৰফানি দৈনেয়াব সা 32
সোদ্রোমাফোৰা জাৰবাৰি
হাগ্ৰানিফ্ৰায় অঁখাৰবোবোঁ।
এহায় গামিনি আরো অোসোলনি
(□ 5 বিলাইআব)



আৰসিসি কালভাৰ্ট লুফুনাযনি অন্থায় খাম্ফা গায়সন্দৌ বিটিআৰনি লেডাঈ গাহায় গবিন্দ বসুমতাৰিআ

কাজলগাব, 8 আগস্ট: আখিখালিনি প্ৰমদ বৰ'নি
দৈনেয়াব বিটিআৰ সৰকাৰআ
খুঁথায়নি গোহোআব ফৈনায়নি
উনাব বিটিআৰ হালামনি গাসৈ
জেনাফোৰখৌ বোসানায়নি থাখি
লানায় বাদিয়ৈ দিনে বিটিআৰনি
লেডাঈ গাহায় মাঝফুঁ সোদ্রোমা
আরো উদালগুৰি বিয়াবনি
এমএলএ গবিন্দ বসুমতাৰিআ
বিরহাংগাব গোজৌ ফৰায়সালি
আরো পায়নীৰ ক্লাব গেলেগ্ৰা
ফোথারনি হাবগ্ৰা লামা
মোখাডাব 2020-21 রংখান্থি
বোসোৰনি 15 থি রংখান্থি
আয়গনি আবথায়াব গনৈ
আৰসিসি কালভাৰ্ট লুফুনাযনি
অন্থায় খাম্ফা গায়সন্দৌ। বে
অন্থায় খাম্ফা গায়সন্থায়



হাবাফাৰিআব বিথাং গবিন্দ
বসুমতাৰিআ গাবনি বিবুথি
লাখিনায় সমাব বুডৌদি,
আসাম সৰকাৰনি গুডউল
বিথাংখিনি গেজেরজৌ বিটিআৰ
হালামআব দাসিম গোবাঁ

লামাফোৰ মাঝফুঁ জাবায় আরো
মাখাসে লামা লুফুথায়ফোৰা
সোলিগাসিনো দড। বিটিআৰ
হালামনি গাসৈ জেনাফোৰখৌ
বোসানো থাখায় সোলিফু
বিটিআৰ সৰকাৰআ নাংগৌ

রোখোমনি রাহা লাগাসিনো।
হালামনি সোলৌথায়বি
আবহাবাখৌ গোগৌ আরো
গৌজাখাংহোনো থাখায়
সোলৌথায় ফসংথানফোৰখৌ
(□ 5 বিলাইআব)

আসামনি মন্থি অতুল
বরায়া কভিড-19
পজিটিভ জাদৌ



গুৱাহাটী, 8 আগস্ট: আসামনি আবাদ বিফান
আরো জিব-জুনাত ফাহামথায়
বিফাননি মন্থি অতুল বরানি
দেহায়াব কৰনা সন্দেৰনায়নি
রিপট মোননো হাদৌ। মন্থি
(□ 5 বিলাইআব)

এআইউডিএফনি
এমএলএ পনিধৰ
তালুকদাৰআ
বিজেপিআব হাবসিগোন



গুৱাহাটী, 8 আগস্ট: ভবানীপুৰ (বজালি)
বিয়াবনিফ্ৰায় অল ইন্ডিয়া
ইউনাইটেড ডেমক্ৰেটিক ফ্ৰন্ট
(এআইউডিএফ) নি
(□ 5 বিলাইআব)



ADMISSION OPEN : 2021-22

NEF GROUP OF COLLEGES : GUWAHATI

Affiliated to Gauhati University, Dibrugarh University &
Srimanta Sankaradeva University of Health Sciences, Guwahati
Approved by Bar Council of India, Pharmacy Council of India & UGC

Streams	Courses	Contact Details
Traditional Courses	H.S. (Arts & Commerce)	www.nefcollege.com
	B.A. Psychology, Sociology, English, Economics, Education, Political Science	940 111 6666
	B.Com. Management, Finance	
	Accountancy	
Professional Courses	BBA, BCA, BSW	www.nefcollege.com
	MBA, MSW	96 1313 4422
Law Courses	B.A. LL.B. (Hons)	www.nefcollege.org
	B.B.A. LL.B. (Hons)	940 111 8888
	B.Com. LL.B. (Hons)	936 557 6800
	LL.B., LL.M.	
Pharmacy (Guwahati)	D. Pharm., B.Pharm.	www.nefcop.org
	B. Pharm. (Lateral Entry)	9435 666 999
Pharmacy (Nagaon Campus)	D. Pharm., B.Pharm.	www.nefcper.org
	B. Pharm. (Lateral Entry)	98646 49699
Paramedical & Physiotherapy	BPT, BMLT,	www.nefcohs.org
	BPT & BMLT (Lateral Entry)	94011 74466

Guwahati Campus : Lokhra Lalganesh Road, Saukuchi, Guwahati-40
Law Campus : NEF Law College, Christianbasti, Guwahati-5
Nagaon Campus : Jail Road, Kolongpar, Nagaon-782001, Assam

আসামনি সিফ সেক্ৰেটাৰি জিণ্ণু বৰুৱাআ চিৰাং জিল্লানি কভিড-19 আরো সৰকাৰি বিথাংখি মাঝফুনাযনি সায়াব খৌরাং লাফেদৌ

কাজলগাব, 8 আগস্ট: আসামনি সিফ সেক্ৰেটাৰি জিণ্ণু
বৰুৱাআ চিৰাং জিল্লা
দাঝবাযফৈ নানে জিল্লানি
সোলিফু কভিড-19 নি
থাসাৰি, জল জীবন মিসন আরো
গুবুন গুবুন সৰকাৰি
বিথাংখিফোৰখৌ মাঝফুনাযনি
সায়াব খৌরাং লাফেদৌ। লোগোসে
দৈ বানা সোমজিনায়নি থাখায়
জিল্লা খুঁথায় মাঝদি সাখা-
ফাৰা জাদৌ আরো কভিড-19
নি গোসাৰনায়খৌ হোবথানায়নি
থাখায় জিল্লা খুঁথায় রাহা



লানায়নি বাগৈ সুলাদ লায়ো।
খথায়াব খুঁনায় বে নায়সং
চিৰাং জিল্লা বেংগিৰি
মেলাব চিৰাং জিল্লা বেংগিৰি
মাঝখুলিনি সাঝৱায়গ্ৰা
(□ 5 বিলাইআব)

সনিতপুৰ জিল্লা ব'ৰ' থুনলাই আফাদআ সনাথি মাঈথায় ফোৰৌ খুঁফুনো সাখা-ফাৰা



ঠেকিয়াজুলি, 8 আগস্ট: সনিতপুৰ জিল্লা ব'ৰ' থুনলাই আফাদআ
আফাদনি গোবাংথায় মাঝনো
গোনা মাঝফাৰিফোৰখৌ মাঝফুনাযনি
নোজোরজৌ মিৰু সোদ্রোমা জিল্লা
আরো মোন 18 গুডি আফাদফোৰখৌ
লানানে সা ঠেকিয়াজুলি ব'ৰ'
থুনলাই আফাদনি সিডাব
থানায় বাতাৰিফু
মিলন গোজৌ ফৰায়সালিআব
(□ 5 বিলাইআব)



আসাম সৰকাৰ

অভিলাষ myGov
চৰকাৰ মেসী সৰকাৰ

গৰ্খা হাৰিনি গাবনি সিনায়থি ৰৈখাথিনি থাখায় থিরাংথা গোনাং সৰকাৰ

গৰ্খা হাৰিনি হেঁথায়ৈ
গুবুনায়ি থাংখিনায়নি গোদান গসৰ
ৰেজিষ্টাৰ খালামৈনি থাংখি।



গুবুনায়ি বিজিৰসালিআব
বিজিৰজানায় গাসৈবো গসৰখৌ
বোখানা লাফিনায়নি থাংখি।

* 4 আগস্ট, 2021 আব খুঁফুনায আসাম সৰকাৰনি
কেবিনেটআব নাঝাবনায় থাংখি বায়দিয়ৈ

ममता बेनार्जीआ आसामआव अखिल गगड़नो टिएमसिनि बिबान होनो थियारि

कलकाता, 8 आगस्त: तृणमुल कंग्रेसआ आसामनि एमएलए अखिल गगड़नो आसामआव पार्टीनि दैदेनगिरि खालामनो अफार होयो। आसामनि शिबसागरनिफ्राय एमएलए आरो केएमएसएसनि दैदेनगिरि अखिल गगड़आ थानाय शनिबारखालि टिएमसिनि सुप्रिम ममता बेनार्जीजों लोगो हमो आरो ममता बेनार्जीआ गोब्राबै बिथानो आसामाव पार्टीनि दैदेनगिरि खालामनो अफार होयो। इन्डिया टुडे टिभिनि मोनसे रिपोर्टनि बायदिव्ला अखिल गगैआ दासिमबो जोबथा थांखि लायाखै। नाथाय बिथाडे उदाङे सोनाब बंगनि गिबि मन्थ्र ममता बेनार्जीखौं गाहाय मन्थ्र



महैर नायनो गोसो जानायखौं फोरमायो। बिथाडा ममता बेनार्जीनि थाखाय उदाङे सन्मान होनायखौं फोरमायो। मखनो गोनादि, अखिल गगैआ मोनसे आबादारि मावसुमा आरो गोदाने दानाय राजखान्थि दोलो रायजर दोलोनि आफादगिरि बिथाडा। बे बोसोराव शिबसागर

मध्य प्रदेश, राजस्तान, इउपि आरो बिहारआव गोबां अखा हानायजों दै बाना लोमसावदों

गोदान दिल्ली, 8 आगस्त: अखा हानाय बोथोराव मध्य प्रदेश राजस्तान, उत्तर प्रदेश आरो बिहारजों लोगोसे हादतनि माखासे राज्ज्योआ अखा हानायजों मोगा-मोगि जानादों। माखासे ओन्सोलाव दै बाना लोमसावदों। राजस्ताननि कटा, बारं, बुन्दी, झालावाड़ा आरो धौलपुरआव दै बाना लोमसावनायआ गोबां सिलिखार खालामदों। कटा संभागआव गं 12900 नफोर सिलिखार जाबाय जेराव सा 27 सुबुंफोरनि जिउआ गोमादों। बुन्दीआव सा 12, कटाआव सा 6, बारंआव सा 7 आरो झालावाड़ाआव सा 2 सुबुंफोरनि जिउआ गोमादों। राजस्तानआव दासिमाव 4 लाख हेक्टेयर हानि आबादआ खहा जाखांबाय। सयाबिननि आबादआ बांसिन



खहा जादों। गिबि मन्थ्र अशक गहलतआ बुंदों गोहोम गोलै जानाय सुबुंफोरा रांखांन्थि अन्सुंथायखौं थि समाव मोन्तो बेनि थाखाय साभं खालामनाय जादों। राजस्ताननि माखासे बाहगोआव थादनाय गैयै अखा हाबाय थानायनि उनाव बान्दोनिफ्राय 1.5 लाख किउसेख दैखौं हगार हस्नायनि उनाव थासारिआ जेना गोनं

अखा हानायनि जाहोनाव सुबुंफोरनि थांलाय फैलाय खालामनायआ खम जादों। मध्यप्रदेशआव दै बाना लोमसावनायनि बेंखन्थायाव गोर्लैनाय वालियर आरो चम्बलआव गोबां अखा हानायजों सोमोन्दो थानाय जाथायाव थैनाय सुबुंफोरनि अन्जिमाआ सा 24 जाहैबाय। फैनो गोनां 24 घन्टानि समाव

भुपाल ग्वालियर, चम्बल आरो सागर बेल्टआव सरासन्हा अखा हादों। इउपिनि प्रयागराजआव दै बाना लोमसावनाय न'फोरव हाबहैदों। सुबुंफोरा हान्था मेला खालामनायाव जेनाजों मोगा-मोगि जानादों। बे समाव गथफोरखौं दैआव गेलेनाय नुनो मोनदों। बिहारआव बक्सारनिफ्राय लानानै पाटनासिम गंगा दैमानि दैआ लोमसावदों। बक्सार आरो भजपुरआव गंगा दैमानि दैआ खौंफोरनि निशाननिफ्राय गोर्लैसिनाव बोहैदों। पाटनानि दिवारा ओन्सोलाव दैआ बोहैलांगसिनो द। बेवहायनिफ्राय सुबुंफोरा खारखोमा लादों। राजथावनियाव पुनपुन दैमाआ गोबां लोमसावदों। माखासे गामिफोरव दैबानाआ लोमसाव हैदों। जिल्ला खुंथायनि टोमआ बान्दोनि खाथि खालाआव पेट्रलि खालामदों।

रन्जन दैमारिखौ उदां खालामनांगौनि दाबिजों बारग' एनडिएफबिआ धर्ना होदों

गसाइगाव, 8 आगस्त: गसाइगाव महकु मानि बेंखनआव थानाय सिन्ड्रजरा गामियाव एनडिएफबिनि गायसनगिबि आफादगिरि रन्जन दैमारिखौं जोबथेसालिनिफ्राय उदां खालामनो दाबि देखानानै बारग' एनडिएफबिनि सोद्रोमाफोरा धर्ना होदों। लोगोसे बारग' एनडिएफबिफोरनि मोन्नांगौ रांखांन्थियारि अन्सुंथायखौं थाबैनो दिहुन्नानै होनांगौनि दाबिजों गासैबो दैदेनगिरि आरो सोद्रोमाफोरा गोखों धर्ना



होयो। बिथांमोनहा गावसोरनि दाबिखौं गोखौंनो सुफुंनंगौ होन्नानै दाबि देखदों बारग' एनडिएफबि रन्जन हान्जानि कमान्डेन्ट डि अफ्रिआ खौरांगिरिफोरनि सिगाडव मिथि होयो।

राहुल गान्धीनि हेंथायै हाइकर्टआव अजदलाइ थिसन्दों



गोदान दिल्ली, 8 आगस्त: कंग्रेसनि बारग' आफादगिरि राहुल गान्धीनि हेंथायै दिल्ली हाइकर्टआव गांसे अजदलाइ थिसन्नानै बिनि सायाव बिजिनसनि बिथोन होनो दाबि

दैखदों। अजदलाइयाव समाजारि मावसुमा मकरन्द सुशे म्हादलेकरआ दाय जाबसिन्दोंदि, राहुल गान्धीया भुगिनांनाय नखरनि सावगांरिखौं सेयार खालामनानै बैसोजायै

गथ'फोरनि बिथोनमा आरो जिनाहारि दायफोरनिफ्राय उन्दै गथ'फोरखौं होबथानाय बिथोनमानि नेमखांन्थिफोरखौं आयेन बेरेखा मावदों। बे मोननैबो बिथोनमायाव उन्दै गथ'फोरनि जिनाहारि केसआव बैसो जायै उन्दै हिन्जावसानि सिनायथिखौं सोरांआव लाबोयैनि बिथोन होनाय दड। हाइकर्टआ 11 आगस्तआव बे अजदलाइनि सायाव हियारि होगोन। मख'जाथावदि दिल्लीनि नांगल गामियाव जिनाहारिजों भुगिनांनाय 9

पुर्णियाआव जुलनि खोथा होनानै जुलि जाखांनाय आइजोखौं जिनाहारि खालामदों

पुर्णिया, 8 आगस्त: पुर्णियानि मुफस्सिल थानानि किशनपुर गामियाव सासे आइजोखौं जिनाहारि खालामनाय जाथाया नुजाथियो। भुगिनांन्याय बेनि हेंथायै मुफस्सिल थानायाव आर'जलाइ होनानै बिजिनसो आर'ज गावो। भुगिनांन्याय गावनि आर'जआव फोरमायदोंमोन्दि, थानाय 16 जुलाइनि हरव गामिनिनो नइम मुनि सुबुडा बिनि न'आव जर जुलुमै हाबफैयो आरो आइजोखौं हासिडै नुनानै हाथियारनि बोलोजों बिखौं जिनाहारि खालामो। बेनि उनाव बियो

हाबा खालामनो खोथा होनानै गोबां खेब जिनाहारि खालामनाय थायो। नाथाय जेल्ला बियो हाबानि थाखाय नारसिनो अब्ला बियो उल्था जायो। बेबादिआव 1 आगस्तआव जेल्ला बिनि फिसाइया पान्जाबनिफ्राय गामियाव सौफैयो अब्ला बियो गावनि फिसाइनो गासै बाथ्राफोरखौं फोरमायो। बेनि उनाव गामियाव जथुम्माबो जायो। नाथाय जथुम्मायाव नइम आरो बिनि नख'रनि सुबुंफोरा सौहैयो। जेल्ला सुबुंफोरा बिसोरनि न'आव थाङे, अब्ला

नइम आरो बिनि नख'रआ बिसोरखौं हुमखि होनो हमो। बेनि उनाव फारफ्रोमथिबो बिजिनसनि दर्जाया बन्द जानायखौं नुनानै जोबथारनायाव भुगिनांन्याय पुलिसनि खाथियाव थांनानै आर'ज गावहैयो। बेराफासै मुफस्सिल थाना बिबानगिरि दिनेश कुमारआ भुगिनांन्यायनिफ्राय आर'जलाइ मोन्दों होन्नानै फोरमायो। बेनि उनाव बिखौं थाबैनो नार्याबिजिनसोबो बिथोन होनाय जाबाय। आथिखालाव बेयो आबुडै नायबिजिनसनि उनावसो रोखा जागोन।

हादतआव थानाय 24 घन्टानि गेजेराव कभिडजों सा 491 सुबुंनि जिउ खहा, सा 39 रोजा गोदान केस मोन्दों

गोदान दिल्ली, 8 आगस्त: हादतआव करना इन्फेक्सननि केसआ बारायनारनि उनाव दावखलायफिनो। हादतआव करनानि केसफोराव लांन्थियै नैथि सानावबो रेहाय मोन्नायखौं नुनो मोन्नाय जादों। हादतआव थानाय 24 घन्टानि गेजेराव करनानि 39 रोजा गोदान केसआ नुजाथियो। मिरुयारि सावसि बिफाननि गोदान अन्जिमाफोरनि बायदिव्ला थांनाय शनिबार खालि इन्फेक्सननि 39,070 केस नुजाथियो। बेजों लोगोसे



करनानि एक्टिभ केसआव 5,372 दावक्लायो। थांनाय शुक्र बारखालिबो एक्टिभ केसआ 1948 दावक्लायदोंमोन। थांनाय 24 घन्टायवा सा 4901 सुबुंफोरा

जुजिनया गोखों। मानोना दानफोमबो थिका थुनायनि अन्जिमाखौं बारायगासिनो दड। बेनि गेजेरजों मिरुआ राइज्योफोरनो दासिमाव 52 कौटिनिखुइ बांसिन करना भेक्सिननि ड्रपखौं जगायना होबाय। थाबैनो बिसोर 8,99,260 ड्रप मोनबावगोन। लोगोसे बिफानआ आथिखालाव राइज्योफोर, मिरुजों खुंजानाय राइज्योफोर आरो गावयारि देहा फाहामसालिफोरनियाव 2.42 कौटिनिखुइ बांसिन ड्रप



गोदान दिल्ली, 8 आगस्त: गोदान दिल्लीनि इन्दिरा गान्धी इन्टरनेसनल एयरपोर्टखौं बमाजों उरायहोनायनि हुमखि मोन्दों। सासे बिबानगिरिया फोरमायदोंदि, आइजिआइ उरां गाथोनखौं बमाजों उरायहोनायनि अल कायदा सरगनानिफ्राय हुमखि होनाय इ-मेल मोन्दों। एयारपर्ट अपारेसन कन्ट्रोलसेन्टरआ शनिबारव बे खौरांखौं मिथिहोदों। इ-मेलआव लिस्नाय बायदिव्ला 1-3 साननि गेजेराव उरां गाथोनखौं बमाजों उरायहोना थियारि खालामदों। फारसेथिं डिआइजिया फोरमायदोंदि, बाबैसो सिगानि सानआवबो बे मुडैनो आरो डिटेलजोंनो बेबादि हुमखि होनाय मेसेज मोन्दोंमोन, जायखौं बम श्रेट एसेसमेन्ट कमेटिया नन स्पेसिफिक होना फोरमायदोंमोन। सुपरिन्टेन्डेन्ट अफ पुलिसनि बादिब्ला सिक्युरिटि अपारेसन कन्ट्रोल सेन्टरआ गासैबो सोमोन्दो थानाय एजेसिफोरखौं बेनि खौरं हरो आरो स्टाफ खौंबो एलाट होयो। बे हुमखि होनाय

इ-मेल मोन्नायनि उनाव आइजिआइ उरां गाथोननि गासैबो टर्मिनेल, एक्सेस कन्ट्रोल आरो गारि मथरफोरनि सेकिं पइन्टआ गोखों नायबिजिनसनाय जादों। मख'जाथावदि, एप्रिल दाननि 18 अक्टआवबो दिल्ली एयार पर्टआव उरां जाहाजखौं बमाजों उरायहोनायनि हुमखि मोन्दोंमोन। बे खेबआवबो बुंनाय जादोंमोन्दि, दिल्ली एयारपर्टआव सहेबाबो उरां जाहाजआ बेरफुगोन। बेनि उनाव बे उरां जाहाजआ दिल्ली उरां गाथोनाव सहेनाय लोगो लोगो

बमा डिस्पजेल स्क्वाड हान्जाया बेंखन्ना लायो। अदेबानि नायबिजिनसनायव बेबादि बेरफुग्रा मुवाखौं मोन्नाय जायाखैमोन। उरां गाथोन पुलिस कमिसनार राजीव रन्जनआ फोरमायदोंमोन्दि, सोरबा सासे दावबायारिआ उरां जाहाजनि लाशरुमआव गांसे टिरुपेपारनि थुखा मोन्दोंमोन, जेराव एयार एरियानि फ्लाइटआव बमा दड होन्ना लिस्नाय दडमोन। मख'जाथावदि, थांनाय 20 जुलाइनिफ्रायनो राजथावनि दिल्लीयाव हाइ एलाट खालामनाय जादों। संगालि एजेन्सिफोरनिफ्राय मिथिनाय स्त्रोद खौरांनि सायाव बिथा खालामनानै एलाटखौं लाखिलांबाय थादों। संगालि एजेन्सिया 15 आगस्तनि सिगां उतखारिया डूनजों गाग्लोबनो खैसार सानायनि बाथ्राखौं मिथिहोदोंमोन। डूनजों गाग्लोबनायखौं होबथानो थाखाय गिबि खेब दिल्ली पुलिस आरो गुबुन रैखाथि हान्जाफोरनो ट्रेनिंबो होनाय जादों। बेजों लोगोसे इन्डियान एयार फर्सनि मावख'याव जर'खा डून कन्ट्रल रुमबो बानायनाय जादों।

ताम्रध्वज राजानि बाथ्रा रंजालि गथ' फोरनि सौरा

मंकर लाल बर'

दुलाराय भारतवर्षनि बारग' राजा-महाराजाफोरनि बाइदिसिना सोमो नांथाव आखु आरो खारिमिनजें हादरआ बुंफबनाय। दिनें बे बादि मोनसे गोमोथाव बाथ्राखौनो नोंसोर रंजालि गथ'फोरनि सिगाडाव बुंथिनो लादों।

शुक्लध्वज मुंनि सासे राजाआ भारतनि दाबसे राइज्योआव जोबोर गोहो-गोरायै राइज्यो खुंदोंमोन। राजा शुक्लध्वजआ जोबोर गुनी-गियानि आरो मोजा-गात्रि बिसार खालामनो गोरों मोन। बियो फोरजाफोरखौ गावनि फिसाफोर बादि अनग्रामोन। बिन गुबुन मोनसे मोजां आखुआ जादों, बियो गुनी-गियानी सुबुं आरो पण्डितफोरनो थोजासे मानबाउनो गोरोंमोन। बेनि थाखायनो बियो राज-आफादिनि सासे मुंदांखा पण्डितनि थैनायनि उनाव बिनि नेसोनखौ अरायथा खालामना लाखिनो गोसोयै राजथावनिथाव बै पण्डित सुबुंनि मोनसे गिदिर तामानि मुसुखा बानायहोना दोन्दोंमोन। बेनि उनाव गोबां बोसोर बे मुसुखाआ बै सुबुंनि

नेसोनखौ फोथांना लाखिनो हादोंमोन। शुक्लध्वज राजानि बेबादि गाहाम आखल-आखुआ राइज्योनि सोरगिदिं गोसार हैदोंमोन। बेबादि बाइदिसिना गाहाम हाबा मावफुंनय उनाव राजाआ गोबां बोसोर राज उलाफादखौ सलायनायनि उनाव फिसाज्ला राजखुंगुरनो राइज्योखौ गथायनो सानबाय। आरो सानसेखालि फिसाज्ला ताम्रध्वजनि आखाइयाव गावनि राइज्योखौ गथायना होमारबाय।

राज खुंगुर ताम्रध्वजआ राजा जानायनि 5 बोसोर उनाव बिफा शुक्लध्वजनि रुंसारि जायो। बेनि उनावनो थार जाथाया नुजाफैबाय। राजा शुक्लध्वज बादि ताम्रध्वजआ बांद्राय गुनी-गियानी आरो सोलो-गोरा नडामोन। गोबां खोथा-बाथ्राआव ताम्रध्वजआ अखामोन। माबा मोनसे आयदाखौ गोथौयै सान्नो हानाय गियान ताम्रध्वजनि गोसोयाव गैयामोन। राज उलाफादिनि गुबुन पण्डित एबा गोरा गाहाय फोरजोंबो बियो आयदाफोरखौ लानानै बिथयै सावरायनाय हुदा गैयामोन। बबेखानि राजा

ताम्रध्वजखौ लानानै मन्थि, सान्थि-फन्थि फोराबो बेले-बेजेआव गोगलै नांगीमोन। सानसे खालिनि बाथ्रा। राजा ताम्रध्वजआ मन्थि शकलबर्णखौ हर्खाब राज दरबारआव लेंहरना लाबोनानै गोमोथाव आरो जाथावयै आयदा मोनसे थाबेंनो मावफुंनो हुकुम होनानै बुंबाय- 'मन्थि शुक्लबर्णखौ! नों जोंनि राजउलाफादिनि बयनिखुइ गागी आरो सोलो गोरसिन सुबुं। नों मोनसे बाथ्राखौ नोजोर होदों ने? थारै नो होदों! बेयो जादों, राज थावनिथाव थानाय गिदिर लामार्जों बानायनाय मुसुखाआव थानाय समायना तामानि गान्नाय सि-जोम। बे बादिजों दानाय समायना सि-जोम गानोब्ला आंनो तामानि मुसुखा बादि अमर जाना थानो हागोन नामा! आं मिजिं थिबाय, नों बे बिथिडाव गोबाव खालामाब्लानो आं होनाय बिबानखौ थाबेंनो मावफुं गोन।' राजा ताम्रध्वजनि बेबादि गोमोथाव आरो जाथावयै सान्नाया मन्थिखौ दसे समनि थाखाय गो-गोथो खालामदों मोनब्लावो, उनाव मन्थिआ बे बिबानखौ मानिना से हापानि सम लानानै राज आफादखौ नागारलांबाय। मुर्खु राजा ताम्रध्वजआ मन्थिनो तामानि गस्लाखौ बानायनो थाखाय से हजार स'नानि मुद्रा (रां)बो हरखाबाय। मन्थिआ गोसो गैयाब्लावो रांखौ आजावना लाबाय आरो गावनि न' फासै गिदिं लांबाय।

सियान सुक्लबर्ण मन्थिआ 6 साननि उनाव राज आफादआव फैबाय आरो राजाखौ बुंबाय- 'महाराजा! नोंथानि गस्लानि खामानिआ 90 जौखोन्दो आनो जोब्वाय। नाथाय मोनसे हेंथानि थाखाय माखासे 10 जोखौन्दो

खामानिखौ मावफुंनो हायाखै। हेंथानि खोथा बुंनयाव राजाआ सोंबाय- 'आंनि राइज्योआव जेबो बेसादिनि आंखाल गैया नोंहा मा बेसादिनि आंखाल जादों बेखौ नों आंनि सिगाडाव गोखै बुंनो हागोन। नोंहा बेवहाय जेबो गिनांगो बाथ्रा गैया।' मुर्खु राजानि बे बादि खोथाखौनो सोलो गोनं मन्थि शुक्ल बर्णआ आसा खालामना दंमोन। बियो खायादा मोन्नानै बुंबाय- 'महाराजा! तामानि गस्लाखौ अरनि बिजिजोंल' सुनो हायो। आं गोबां जायगायाव अरनि बिजि नाइगिरदोंब्लावो मोनाखै। बेबादि बिजिआ नोंथानि खाथियाव दं होन्नानैसो माखासे पण्डितफोरा बुंहरदों।' सैथान मन्थिनि बाथ्राआ राजानि मेगनखौ गेवहोबाय। बियो दसे सम सि गंघिना थाबाय आरो गावनि गोरोन्थिखौ सिमान लानानै बुंनो हमबाय- 'नंगौ, आं मिथिनानैबो जोबोर गोरोन्थि खालामदोंमोन। धातुनि गस्ला सुनाया माब्लाबाबो जाफुंनय नडा। धातुनि सि-जोमखौ धातुनि मुसुखाआसो गानो। आं बे बादि मुसुखा नडा। धातुनि गस्लाबादि अरनि बिजिआबो मोन्नो गोब्लाब।' राजानि बुबंक खामानिनि थाखायनो राइजो-राजानि बाखनि से हजार स'नानि मुद्राआबो दैयाव थांबाय। मानोना बे रांखौ बिनानै लाफिननो थाखाय राजाआ लाजिबाय। थारै नो गोरों गोराने आरो सान्नो हानाय गोहो गैयै खुंगिरफोरा हादरनि, राइजोनि खहा खालामो। ताम्रध्वजखौबो बे बादिनो सासे खुंगिरिमोन होन्नानै बुंजायो।

बोसोन- आगोल मोजाडै सानै-हयै हाबा मावनांगौ। मावनायनि उनाव सान्नो नाडा।

गिबि सिमां

बैसागु दमासि हाबा खेराइ बायदि फोबोंखौ दे रंजानि फे खुलुमनि दे मोसानि फे फालिनि दे फोरमायनि फे सिनायथिनि गिबि बार गुबै लामाखौ। बेनिखुइ सावसिन बाथौ गुदियाव आर'ज गाबदों दांदुला हनें सोरांसि सोरांसि गारांया हन्ना-हन्ना रंजाफानो अखोरं सानि गिबि सिमांनि अनजालियासो दाबोनो सौफैआखिसे। सान गोरलैया सिरिमोनबाइ दुब्रि हाग्रानि बिदैया रानजिंबाय थुमआ सोरांसि गेवलांबाय बिबार गाब बायदि बिरंफोरा रोजेब बारबाय। सायनासालियाव थुबुर जाबाय बे हरिया आसि थायसेनिखुइ थायनै एरबाय गेवलां बाबेनहां जरासे बेसेबा जाव-जुब बन्दक नडा बाखिया थुबुर हगासार बोहैथि समाव युव-युव। खोमसिआव नडा सोरांआवसो बै जुगाव नडा नै बे जुगावसो रंजादे मोसादे हालो-दैलो।

फुंजा बर'
गामि- गियानीपुर
ला:सो:- झाहारबारि
जिला- कक्राझार, बि टि सि आसाम।

राजानि मोदै

मानो गाबदों नों राजा? दगाव नों राजा। गुबुना बुडेब्ला राजा गन्थ खान्दा नाथाय आं बुंगोन आंनि जिउनि राजा। सुबुंआ बुडेब्ला हांगार बायदि गोसोम अब्ला बुंगोन मोदान्नाय सना फिथर गुबुना सानोब्ला हायथा-था जोगोनाथ बायदि थुफ्राफ्रा नाथाय आं सानगोन दथ जांगिला खोमथा बर' सेंग्रा सुबुंआ बुडेब्ला राजा दाखुरा अब्ला आं बुंगोन राजा समायना मोदान खानाय आइया बुडेब्ला मुगै सुगै सुबुंजों नेवसि जानाय सेंग्रा अब्ला आं बुंगोन इसोरनि फिसाज्ला बेसे समायना। आफया बुडेब्ला राजा अलसिया नांगोन रसा अब्ला आं बुंगोन बेसे मावथि। आंनो लाखिखा। आदाया बुडेब्ला नंखाय बाखाय अंख रोडै सेंग्रा सार आयजाक बायदि गोरों सेंग्राखा। आब था बुडेब्ला सुबुं बुथारगा दावहारु राजा अब्ला बुंगोन बिमानि हादतखौ खांग्रा राइज्योनि राजाखा। आय' आफा सुबुइ मिनियोब्ला नों आं सानैजों रंजागोन दगावसे नों राजा।

बिरखां मुसाहारी
ला:सो:- नायकगाव
गामि- मावरियागाव

दुखु हांमा

(1)
मोनाबलि खोमसियाव
मैगिलनाय दाउफोरा.....
बिरै-बिरै फैनानै,
जाबाय हनै लामा मोनै.....
गावनि बासाखौ,
मोनैनि दुखुयाव.....
मेगननि मोदैजों,
हनै.... गोदाव सोराव जालांबाय।
(2)
गोजानिनि..... हाजो नों.....
नुहरो, मोजां जों.....
खाथियाव थानानै,
नुबाय जों.... अन्थाय गोजा,.....
बिफानि गेजेराव,.....
अन्थायफ्रा, हारां-हाथां.....
माबादि जिराद जाखो,
हनै.... गिथाव-बाथाव जाथारबाय।
(3)
जुगनि हेर-फेराव.....
मैगिलनाय सुबुडाबो.....
फैयै फैयै सौफैनानै,
आन्दाय फैबाय, लामा ससेयाव.....
गावनि न'खरखौ....
सिनायनो हायैलाय.....
जाम्बा जानानै,
हनै.... फैनो रोडरिखसै दानियालाय।
(4)
मा- खालामबावनो
सानबाबो हालिया.....
गथ'फोरा गासिबो.....
गोजाव लांजोबबाय,
बिमानि दुखुआ.....
मोदैजों रथ'रथ'.....
मिथिंगाजों मिसिनानै,
हनै..... सानजों लोगोसे खोमसिलांबाय।

निजरा ब्रह्म
गामि- खोला खारगाव
जिल्ला-कक्राझार बि, टि, सि (आसाम)

नोंनि सेराव

हाथरखि अलंबार जोंना थायो आंनो नोंजों अरायबो हास्थायो नोंजों थानो। हास्थायो नोंखौ मोन्नो अराय सम नोंखौ मोननो। नाथाय नों सोरखौबासो हास्थायो दा अरायनि थाखाय। बेखौ सान्नानैनो आं जानो लोंनो सुख गैला स'ना। माबोला नों आंखौ बुंनालागोन अरायनि थाखाय। नेनानै दं आं नोंनि अन्नायखौ हास्थायो आं नोंनि थाखायनो बोदोर जाबाय आं अरायबो जाखांफैबाय थायो नोंनि महर अरायबो नोंनि सेराव थानो हास्थायो आं सना

मिस रनजिला बर'
कक्राझार

गियाननि फुंखा

सोंनाय:-
1. फिसा फिसा बिफां दालाइआव थखा थखि थायो आदा बाजैया जानो हायैनि सु सु सा सा खालामो मा बेलाय?
2. फापिल सायाव हरजायो दाय गैयाब्लावो बुजायो मा बेलाय?
3. आइथिं थोंसेल' दाव मैना मोसायो खैना खैना मा बेलाय?
4. आइथिं आखाइ गैया जखा सुयै सुयै थाबायो मा बेलाय?
5. आइथिंआव गावनो होन्ना गावयो नाथाय गन्थडवसो हाबयो मा बेलाय?
6. हिन्जाव नडा दखना गानो, मोसा नडा मोसो जायो मा बेलाय?
7. हाजोनिफ्राय जौसिन मा बेलाइ।
8. बिदा-फंबाय साब्रै नाथाय खुगा हाला हाला मा बेलाइ?
9. मोनथाम गां फुवारनानै दावब बियो गोलोम बोथोराव सान हर गिदिडे। मा बेलाय?
10. जाबाबो खुरैसे जायाबाबो खुरैसे।
11. जोनोमनिफ्राय जाबखो जाबखो गस्ला गानो। मा बेलाय
12. जेसेबां बोयो एसेबांनो सुजे। मा बेलाय
13. गुदि दं जोबनाय गैया। मा बेलाय
फिन्नाय:-
1. फानलु। 2. खाम। 3. गिसिब। 4. लेवार। 5. खिफिनाय। 6. मुसलीम। 7. मोजां मोनाय। 8. सालखुन्था। 9. सिलिं फेन। 10. साम। 11. औवा मेवाइ। 12. सिगारेट। 13. सम।
उत्तम खुंगुर नाजारी द'तमा

जोहोलावफोर

उजिंदोंमोन जोहोलावफोर बर' हरियाव सान्त्र हायै, दैमालु जोहोलाव, सोमदीन जोहोलाव आरो गुबुन गुबुन जोहोलावफोर। उजिंदोंमोन नोंसोर जेब्ला जोहोलाव महर लानानै, फोसाबलांनो सान्दोंमोन बर' हरिखौ दावगाहो नो सान्दोंमोन। उन्दुना थानाय बर हरिखौ नाथाय थैनांबाय नोंसोर अबथिरा बैसोयाव। सोरबाबा दावहा थिलियाव, सोरबाबा सोरनियाबा फान्दायनायाव बर' हरिनि सुथुरखौ फोजोबनो नाजानायाव, बर' हरिखौ फोजाखानो नाजानायाव। रागा दाजोंसे बर' हरिखौ साव दाहोलांसे बर' हरिखौ, नोंसोरखौ जों मिजिं थियो सोरगोयाव आलो -आलो जिरायना थानो मोनो। आरो नोंसोर बादि इयुनाव, बर' हरियाव जोहोलाव उजि फिनो बेखौनो बोर सारसि हरो आं आसा खालामो।

अन्सुला बसुमतारि
आफलागाव

नेवसिनानै दाथां अनजालि

नै अनजालि आंनि जिउनि नेवसिनानै दाथां नों आंखौ मुगैनानै दाथां सना.....। अन्नायखौ नाजाव आंनि गोसोनि गोसो गोबोंआ खामो रोमो-रोमो नोंनि गोसोनि अन्नाय मोनैयाव। हास्थायो आं नोंखौनो मोन्नो, नोंनोथ' आंखौ बुंदोंमोन गोसो गोबोंजों अन्नाय होनानै बेनोथ' नोंनि थार जारिमिन। नोंनि हायना महरावनो..... आंनि गोसोआ जेबो उदायला सिमांखौ लानानै बेसे गोबाव थानानै थानो हाबावनो अन्नायखौ नाजाव स'ना आंनि गोसो गोबोंनि।

उराय ब्रह्म
गामि- सन्दपारा
कक्राझार।



आसाम सरकार

पेन्सन आरो राज्योयारि अजद बिफान



क्रितग्यता

हेफाजाब खालामदों




माहारियारि फोरमायथाय बिज्ञान मिफु



आसामनि मानगोनां गिबि मन्थि ड० हिमन्त बिश्व शर्माआ आजिरा मोन्नाय मावफारियाफोरनि पेन्सन रान्नाय खाबुनि थाखाय एन आइ सि जों दिहुनजानाय पर्टेल "क्रितग्यता" खौ नायबिजिरनायनि उनाव वान-स्ट'प बोस्त्रानाय गोनां डिजिटेल प्लेटफर्मनि सिडव गासैबो सरकारि गनायथिजानाय फरायसालिफोरनि आजिरा मोन्नाय फोरोंगिरि आरो मावफारिफोरखौ लाबोनायनि थांखिजों, पेन्सनारफोरनो मोनसे अनलाइन खान्थिजों आर'जनि थाखाय खावलायहरदों।

मानगोनां गिबि मन्थि ड० हिमन्त बिश्व शर्माआ पेन्सनारफोरखौ बिसोरनि पेन्सननि सोमोन्दै फोरमायथायखौ अनलाइनआव थिसन्नो आरो लोगोसे बिसोरखौ पेन्सननि सोमोन्दै फोरमायथायखौ डाउनल'ड खालामनायनि थांखिजों "क्रितग्यता" पर्टेलखौ बेखेवदों।

बे राहाफारिया महामारिनि थासारियाव खुंथायारि मावख 'सिम थाडलासेनो पेन्सनारफोरनि पेन्सननि फोरमानलाइफोरखौ अनलाइनआव थिसन्नायाव मदद खालामदों।



गुदि सिनायथि

- आजिरा मोनगिरिफोरा जायखि जाया जायगानिफ्राय बिसोरनि फर्मखौ अनलाइनआव थिसन्नो हागोन।
- आजिरा मोन्नायनि उनाव मोननो गोनां रां-राशिखौ सम बायदियै आरो थि हिसाब खालामनाय।
- आजिरानि हाबाफारिजों सोमोन्दो गोनां गासैबो फर्मखौ आबुं खालामनायजों लोगोसे सम बायदियै थांखि लानो मबाइलआव एस एम एस एलार्ट आरो इ-मेइलाव एलार्टनि खाबु।
- बिफानजों पेन्सन सुख'नायनि बिथोन होदों।
- आजिरा मोनगिरिफोरा बिसोरनि पेन्सननि आपडेट खालामनायनि थासारिजों सोमोन्दो गोनां फोरमायथिफोरखौ नायनो हागोन आरो पेन्सननि सोमोन्दै मुलाम्फानि फोरमायथिखौ डाउनल'ड खालामनो हागोन।

"क्रितग्यता"नि मुलाम्फाफोर

- आजिरा मोन्नाय सुबुजों आजिरा मोन्नायनि अक्ट'नि सिगांनो सम बायदियै खम अन्जिमानि फर्म गथायनाय।
- आजिरा मोन्नाय सुबुड गावनो फर्मआव गावनि सिगांनि-उननि फोरमायथिफोरखौ नायबिजिरनो हागोन, बेनिखायनो, फोरमायथिनि गुबैथिया रोखा।
- आखायजों सान्नाय गैथेनि थाखाय आखायजों जानाय गोरोन्थि जानो हाथावनाया खम जागोन।
- अनलाइननि गेजेरजों फिदिंफिन्नाय आरो मोनफिन्नाया जानोहाथाव। फोरमानलाइखौ गोरोन्थियै फोरमायथिनायनि जेबो जानो हाथावनाया गैया।
- पेन्सनारफोरा दैखानाय अजदनि बिथायाव अजदफोरखौ सुस्त्रानाय।

फैगौ समाव

- आसाम सरकारनि गासैबो मावफारियाफोरनि थाखाय "क्रितग्यता" नि खाबु होनाय जागोन।
- आजिरानि अनगायै गुबुन गासैबो पेन्सनखौ थाखो महरै "क्रितग्यता" सिम बोस्त्रायनाय जागोन।
- सार्थिस बुक स्केन आरो आपल'डनि खामानिखौ मावख'आव मावनाय जागोन।
- गासैबो अंगनवादिनि थाखाय एस एम एस एलार्ट।
- ट्रेजारि खान्थिजों फोनांजाबनाय।

सरकारि गनायथिजानाय फरायसालिफोरनि आजिरा मोन्नाय फोरोंगिरि आरो मावफारियाफोरनिसिम आसाम सरकारनि खावलायनाय

- अन्नानै आसाम सरकारनि वेबसाइट <https://kritagyata.assam.gov.in> खौ नाय आरो नोंथानि पेन्सननि फोरमानलाइफोरखौ दैथायहर।
- लोब्बा गोनां मावख'डिडिअ' निफ्राय नोंथानि बाहायनाय आइ डि आरो पासवार्ड मोननो थाखाय गोनांथि जानाय बायदियै मदद ला।